

Reykjavík 24. nóvember 2021

**Efni: Leiðbeiningar um framkvæmd örútbóða og bein samningskaup á grundvelli rammasamnings RK 04.01 Húsgögn**

Í kjölfar úrskurðar kæruneftndar útboðsmála sem féll þann 26. maí 2021 í máli nr. 9/2021 virðist sem kaupendur hafi verið óvissir um hvernig framkvæma eigi örútbóð og bein samningskaup innan rammasamnings RK 04.01. Var það mat kæruneftndarinnar að nokkur skörun sé milli húsganga í mismunandi hlutum ef litið er til tilgreiningar hvers hluta í rammasamningnum. Líta Ríkiskaup því svo á að fullt tilefni sé til að gefa út leiðbeiningar til að taka af allan vafa um innkaup innan rammasamning RK 04.01.

Það er mat Ríkiskaupa að eitt af grundvallar markmiðum rammasamningsins þ.e. að skólar skuli kaupa skólahúsgögn í gegnum hluta 2 standi ennþá óbreytt. Í þeim tilvikum þegar innkaup skóla beinast að öðrum húsgögnum sem ýmist falla undir hluta 1 eða hluta 3 þarf viðkomandi skóli að gæta þess að leyfa aðilum í hluta 1 og hluta 3 í rammasamningi einnig að taka þátt í útboðinu, en þó eingöngu vegna þeirra húsgagna sem ekki falla undir grein 1.6.2.1.-1.6.2.8.

Á þetta einnig við um vörukaupa skóla sem eru undir 5.000.000 kr. m vsk. sbr. grein 1.5.4. í rammasamningi, svokölluð bein samningskaup.

*Dæmi 1:*

Skóli hyggst kaupa stóla og borð fyrir nemendur til að setja inn í skólastofur. Kaupin gætu þá litið svona út:

50 nemendaborð 60x70 cm, í fastri hæð 4 (kafli 1.6.2.1.)  
50 nemendastólar í fastri hæð 4 (kafli 1.6.2.3.)

Þar sem húsgögnin falla öll undir hluta 2 og þarf kaupandi því að fara í bein samningskaup (eða örútbóð ef það á við) við aðila einungis í hluta 2. Þau fyrirtæki sem einungis eru aðilar að hluta 1 og/eða 3 geta ekki tekið þátt í þessum innkaupum.

Staðan er hér því með öllu óbreytt frá fyrri framkvæmd.

*Dæmi 2:*

Skóli hyggst kaupa stóla og borð fyrir nemendur til að setja inn í skólastofur auk þess sem keypt eru stólar og borð fyrir kennara. Kaupin gætu þá litið svona út:

50 nemendaborð 60x70 cm, í fastri hæð 4 (kafli 1.6.2.1)  
50 nemendastólar í fastri hæð 4 (kafli 1.6.2.3)  
2 skrifborðstólar A (kafli 1.6.1.1)  
2 skrifborð með rafmagnsfærslu (kafli 1.6.1.5)

Hér myndi kaupandi einungis leyfa þeim aðilum sem eru aðilar að hluta 2 í rammasamningi bjóða í örútbóði eða leita tilboða hjá viðkomandi aðilum vegna nemendaborða og nemendastólanna. Hins vegar þarf kaupandi að leita einnig til þeirra birgja sem eru í hluta 1 vegna skrifborðstóla eða skrifborðanna sem eru ekki nemendaborð. Það geta því bæði aðilar að hluta 1 og hluta 2 selt skóla vörur sem sannarlega falla undir hluta 1 ef kaupandinn er skóli.



## RÍKISKAUP

Dæmi 3:

Skóli hyggst kaupa almenn skrifstofu- og kaffistofuhúsgögn. Kaupin gætu þá litið svona út:

- 12 skrifborðsstólar (kafli 1.6.1.1. – 1.6.1.4)
- 1 Fundarborð fyrir 12 manns (kafli 1.6.1.11)
- 1 Sófi – tveggja sæta m/tauáklæði fyrir setustofu (kafli 1.6.3.8)
- 2 Hægindastólar m/tauáklæði fyrir setustofu (kafli 1.6.3.9)

Hér falla vörurnar sem um ræðir undir hluta 1 og hluta 3. Hins vegar þar sem kaupandinn er skóli ber kaupanda einnig leita til aðila sem eru í hluta 2. Vegna húsgagna sem falla undir hluta 1 getur kaupandi farið í bein samningskaup (eða örútboð ef það á við) bæði við aðila að hluta 1 og 2. Sama gegnir um þær vörur sem falla undir hluta 3. Kaupanda ber að leita bæði til aðila sem eru í hluta 2 og 3. Hins vegar geta ekki þeir aðilar sem eru einungis í hluta 1 boðið í vörur sem eru í hluta 3 og öfugt. Þeir sem eru einungis í hluta 2 geta hins vegar boðið allar vörurnar þar sem kaupandinn er skóli.

- Fyrirtæki í hluta 1 geta boðið í öll *skrifstofuhúsgögn*, óháð því hver sé kaupandi.
- Fyrirtæki í hluta 2 geta boðið í öll húsgögn þar sem kaupandinn er skóli.
- Fyrirtæki í hluta 3 bjóða í allt sem fellur **ekki** undir flokk 1 og greinar 1.6.2.1.-1.6.2.8. í rammasamningnum, óháð því hver sé kaupandi.